

Na osnovu člana 15. stav 1. Zakona o mladima Federacije BiH (Službene novine FBiH, broj: 36/10) i člana 4, 5, 6 i 7. Pravilnika o upisu i vođenju spiska omladinskih udruženja na području Grada Tuzle, ("Službeni glasnik Grada Tuzla", broj 2/26), Služba za kulturu, sport, mlade i socijalnu zaštitu Grada Tuzla, objavljuje:

STALNI JAVNI POZIV

Omladinskim udruženjima za upis u spisak omladinskih udruženja Grada Tuzle

I

Pozivaju se omladinska udruženja koja imaju sjedište ili registriran ured na području grada Tuzle da izvrše upis u spisak omladinskih udruženja Grada Tuzle.

II

„Omladinsko udruženje“, prema Zakonu, označava udruženje čije članstvo i organe upravljanja čine dvije trećine mladih, čije su aktivnosti i statutarne djelatnosti većinom usmjerene na mlade, a koje se osniva, registrira, djeluje i prestaje postojati u skladu sa zakonom na osnovu kojeg je registrirano.

Međunarodna udruženja ne mogu dobiti status omladinskog udruženja ako nisu registrirana i u BiH.

III

Omladinska udruženja koja žele predlagati projekte za mlade ili biti član Vijeća mladih Grada Tuzle dužna su se upisati u spisak omladinskih udruženja Grada.

IV

Zahtjev za upis u spisak podnosi se Službi za kulturu, sport, mlade i socijalnu zaštitu, nakon upisa udruženja u registar koji vodi nadležno ministarstvo pravde. Zahtjev za upis u spisak omladinskih udruženja potpisuje osoba ovlaštena za zastupanje i predstavljanje omladinskog udruženja.

Zahtjev se prema vrsti podataka koji se unose, sastoji od tri dijela i to:

- a) podaci o omladinskom udruženju,
- b) podaci o licu ovlaštenom za zastupanje i predstavljanje,
- c) podaci o upravnom odboru i skupštini.

Podaci koji su upisani u zahtjev moraju biti istovjetni sa odredbama Statuta, odlukama i zaključcima organa upravljanja omladinskog udruženja na koje se odnose.

Uz zahtjev za upis u spisak omladinskog udruženja prilažu se:

- rješenje o registraciji (ovjerena fotokopija),
- osnivački akt (fotokopija),
- statut (fotokopija).

V

Obrazac 1. se popunjava na računaru i može se preuzeti na službenoj internet stranici Grada Tuzle: grad.tuzla.ba.

Prijave na stalni javni poziv dostavljaju se u zatvorenoj koverti preporučenom poštom ili predaju lično u Centru za pružanje usluga građanima (šalter sala) u zgradi Gradske uprave Tuzla, na adresu:

GRAD TUZLA
Služba za kulturu, sport, mlade i socijalnu zaštitu
Ulica ZAVNOBiH-a br. 11
75 000 Tuzla sa
obaveznom naznakom:
STALNI JAVNI POZIV
omladinskim udruženjima za upis u spisak omladinskih udruženja Grada Tuzle-
„Ne otvarati“.

VI

Ovaj Javni poziv se objavljuje na oglasnoj ploči i službenoj internet stranici Grada Tuzle i stalnog je karaktera.

Sve dodatne informacije o načinu i postupku učešća na Javnom pozivu mogu se dobiti u Službi za kulturu, sport, mlade i socijalnu zaštitu Grada Tuzle putem telefona: 035 307-327 i 307-414, ili slanjem pitanja na e-mail adrese: mirza.meskovic@tuzla.ba, maja.ivic@tuzla.ba

Napomena: Riječi i pojmovi koji imaju rodno značenje, bez obzira jesu li u ovom dokumentu korišteni u muškom ili ženskom rodu, odnose se na jednak način na muški i ženski rod.

**Služba za kulturu, sport,
mlade i socijalnu zaštitu**